



24. Қамқоршылық кеңестің отырысы қажеттілігіне қарай өткізіледі және мүшелерінің көпшілігі қатысқан жағдайда құқылы болып табылады.

Қамқоршылық кеңестің шешімдері отырысқа қатысқан мүшелері санының қарапайым көпшілік даусымен қабылданады. Қамқоршылық кеңестің әрбір мүшесі бір дауысқа ие. Дауыстар тең бөлінген жағдайда Қамқоршылық кеңес төрағасының даусы шешуші болып табылады.

25. Қамқоршылық кеңес отырысының хаттамасына Қамқоршылық кеңестің төрағасы және Қамқоршылық кеңес отырысының хатшысы қол қояды.

26. Құрылтайшы тағайындайтын директор Қордың жоғарғы лауазымды тұлғасы болып табылады.

Д и р е к т о р :

Қордың қызметіне жалпы басшылықты жүзеге асырады;

Қор қызметінің негізгі бағыттарын айқындайды;

Қазақстан Республикасының Парламентімен, Қазақстан Республикасының Үкіметімен, саяси партиялармен, өзге де қоғамдық бірлестіктермен қарым-қатынаста Қордың мүдделерін білдіреді.

27. Қордың жеке-дара атқарушы органы Қамқоршылық кеңестің төрағасы тағайындайтын атқарушы директор болып табылады.

28. А т қ а р у ш ы д и р е к т о р :

Құрылтайшының, Қамқоршылық кеңестің және директордың шешімдері негізінде және оларды орындау мақсатында әрекет етеді және оларға есеп береді;

Қордың қызметін ұйымдастырады және оның нәтижесі бойынша Құрылтайшы мен Қамқоршылық кеңес алдында жауап береді;

Қор қызметкерлерінің қызметтік міндеттерінің шеңберін белгілейді;

Қамқоршылық кеңестің шешімдеріне сәйкес Қордың қаражатына және өзге де мүлкіне иелік етеді;

Қордың қызметкерлерін қызметке қабылдайды және қызметінен босатады, олардың арасында міндеттерді бөледі;

Қордың барлық қызметкерлері орындауға міндетті бұйрықтар шығарады және нұсқаулар береді;

Қордың атынан сенімхатсыз әрекет етеді, оның мүддесін Қазақстан Республикасындағы мемлекеттік органдарда, өзге де мемлекеттік және мемлекеттік емес ұйымдарда және шет елдерде білдіреді;

Қордың атынан мәмілелер жасасады, сотта сөз сөйлейді, сенімхаттар береді, Қор қызметінің мәселелері бойынша өзге де функцияларды орындайды;

Құрылтайшының, Қамқоршылық кеңестің, директордың тапсырмасы бойынша өзге де өкілеттіктерді жүзеге асырады.";

29-тармақ алып тасталсын;

31 және 32-тармақтардағы "Атқарушы комитеттің" деген сөздер "Қамқоршылық кеңестің" деген сөздермен ауыстырылсын.

2. Осы Жарлық қол қойылған күнінен бастап қолданысқа енгізіледі.

*Қ а з а қ с т а н      Р е с п у б л и к а с ы н ы ң*

*Президенті*

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМҚ